

# **Maki Naña Pol Siria Pa Pan Li Nalelagaena Wa Lala Nae Garu KALESIA Visayuena Na Tusi Nene**

*Kom̄pasnen sunienas plas na tusi nini*

Kalesia naga lepas keviu tai naña m̄eke vatanon Parin Supe nae Rom, a m̄eke e purvanua naña nagane kiena kia Teki.

E pogos naña nalogena kiena Yesu la asiaria vena ava alologon kiena lologena wo, yaru la naña pe ape lus nae re Israel poli lala akekaran lologena wo nene pañisi.

Ana yaru lañasa asumaga, naña e kiela sitomienan lala, asape visae yaru tai sinenan sape naga imi ve yaru lelaga nalelagaena kiena ne Yesu, naga monar taveve ke navisaluaena marua lala naña sumo na Ntewa mila pa Mosis. Ana Pol pis m̄arera kawe sitomienan nene, pisawoia sape ñelaga nene pe mesmesu re nenaga. Naga pisawal merarava sape visae yaru naña sinenan tolen maliena e Kristo, purþesnen suri nene na sanene, naga monar lelaga ga e Kristo. E ga e ñelaga nene, yaru makega akilia aimi amesmesu e marana Ntewa.

Ana e sumare lala e pulkumali lala nae lepas nae Kalesia, yaru lañasa apimi akawe Pol e visena lala, apian li-nalelagaena lala asape visae yaru tai sinenan sape imi mesmesu e marana

Ntewa, naga monor taveve ke navisaluaena lala kienā Mosis.

Maki nini, Pol siria pan la naña asumā ataveve ke vianena nene naña pe po re poli, vena urela awasuñe si aimi e lelagaena na lelaga, a e ñelaga la naña mesmesu. E kienā maki, naga siar visena, pisawal sape naga kilia vis vanla sanenen komin naga puarar yumāena sane nalologena kienā Yesu Kristo, a li na lelagaena lala e yo pinuga apisukilia naga sanene. Naga pisa mágaga sape pe yaru la re apisa pania asape imi ve nalologena tai poli, ana Ntewa ke naña pisirlua naga narui, pio naga vena visawalen lologena wo va yaru la naña pe ape lus nae re Israel poli. A naga pisa luwega visena na kaweenā vianena viowa la nene, naga sape lelagaena kienā yaru ga kilia kila yaru mesmesu e marana Ntewa. E maran tusi maro na maki nini, Pol kila meraravan sape ñelaga wo naña li nalelagaena la asumā akila, molue kome ñelaga naña yaru sinensi wenlai a vinena, komin nanene naui naga ñelaga po na malien kienā ne la naña amlelaga e Kristo.

*Kom̄pasnen tusi la na nini*

Visena nasumo 1:1-10

Nam̄areraena sike e Pol komin naga pe nalologena tai 1:11—2:21

Ntewa sumā miila ita e kienā lemamiena 3:1  
—4:31

Li nalelagaena la apimi po, ana kiela yumāena  
sumaga 5:1—6:10

Visena maro 6:11-18

### *Pol siar kiena visena pan la*

<sup>1-2</sup> Inu Pol nesiri mäki nini pim̄asu pan amiu, amiu ūegas nen li naleлагаen lala garu laþas nae Kalesia, a inu nemio kieta wolai lala nae e yo nini, imimi mepiun tan amiu mesape sanape amiu asumña pogaga pona amiu asike sanape? Inu nena nini naþa Yesu Kristo, amio Ntewa Arimata, naþa naga pisirlua sina ga Yesu e marena, lalua ne na nene lalua amligan inu nepe yaru nalologena, ana in na sanene, pe yaru re naþa pio inu poli, a pe yaru re m̄ena ga naþa naga mligan lua inu sanene poli. Ee, amiu na monar ayagogon ya naþa nevisawalia.

<sup>3</sup> Inu sineun nesape Ntewa Arimata amio Suþe Yesu Kristo, lalua amligan lemamiela amio sumare sike e amiu.

<sup>4</sup> Yesu Kristo, naga kila mesmesu sa naþa Ntewa Arimata naga sinenanía, naþa naga tamän naga mare vena war plan kieta mlamulena viowa lala, vena kilia werelua ita e mlamulena viowa naþa tesike ea. <sup>5</sup> Vanon sur ne na nene, ūisi na ita teyeluar manene kia kienan ne Ntewa nene va metava silaga, vano vano taþatete ūisi. Sanene.

### *Lologena Wo, taaga ga*

<sup>6</sup> Inu nemilan amiu pap̄isi, naþa Ntewa naga pio amiu rui, a Kristo kila po pan amiu pap̄isi rui, ana pe e re ga e pogos nene poli ana amiu asumña apure ke sina ga petan Ntewa, naþa amiu asumña ataveve ke sina ga visena tai naþa sane lologena wo taþena tai. <sup>7</sup> Ana taþatete si lologena wo taþena tai ve sanene, komin naþa lologena

wo taaga ga nene naña sike na. Inu nemloge apisa sanini, vanon naña yar lañas naña akila ke sinemiu la pilovilopuia, naña la sinelan avilopu lologena wo kiena ne Kristo imi ve tapena.<sup>8</sup> Ana visae imimi yaru tai, pona navisi nae peni tai, pona a re mëna ga, naña naga lologon nalologena wo tai, naña pe toroki re amio naña imimi mepisawal pan amiu sumo rui, ve sanene popon manene naña yaru nene akoven vitove e lele na logeen viowa.<sup>9</sup> Ee, in na nevisawal ke sina ga nene, van amiu narui, nesape visae yaru ai naña pisawal visena na lologena wo tapena tai pan amiu sumo rui, naña pe tapenan lologena wo nene naña amiu amla p̄isi rui, ana p̄isi na yaru nene naga monar ala nakoaena viowa vania e kapi.

<sup>10</sup> In na nekilia nesape yaru lañasia apisa kare inu yam mok rui, apisape in na sineun ga nesape yaru lala aloe wo e kiau visena lala, ana amiu amloge kiau visena m̄arera nene sanape? Pona yoko yaru lañasia sinela kar inu yo, ana pogaga, komin naña ya ne in na sineunia, in na sineun ga nesape Ntewa, naga kekaran kiau visena, komin naña visae in nemlologon ga vena yaru la aieluar inu, ve sanene in na pe nepe yar lelaga na yum̄aena kiena ne re si Kristo poli narui.

### *Pol pisayu naña Ntewa pio naga*

<sup>11</sup> Wolai lala amio vineu lala, popon nevisa meraravan van amiu, sane, lologena wo nene naña nepisawal ke ne, naga pe visena re tai naña yar la asiar poli. <sup>12</sup> In na pe nemla re lologena wo nene tan yaru tai poli ana pe yar re tai naña

pian inu e poli, peraga. Ana Yesu Kristo naga ga kipian ruru inu e lologena wo nene merarava.

<sup>13</sup> Nanene na sa naña amloge rui, naña kiau namalena nanua sumo na sanape, e pogos naña in na nesike loyumña e lotuena kiamimi imimi le Yu lala. E pogos nene, inu silaga sineu kari luen ga pegas nen naleлагаena lala kienan Yesu, ana nemene la nekila kare la naña pe nesitom la re nena poli, komin naña sineun nesape naleлагаena la ne sanene na monar toko ga. <sup>14</sup> E pogos nene, netaveve ruru ūlaga na lotuena kiamimi imimi le Yu lala, taulu yaru taþena lala naña imimi na sane teras taaga, a inu nepuarar visena marua lala kienan ne repimimi la märera, naña kiamimi apua le Yu lala naña asumña ataveve pimi tol nanagane.

<sup>15</sup> In na nekila ke sanene pano pano-o, ana inu pe nekilia re naña nesape Ntewa naga pisaar inu þisi rui, e pogos naña in na pe nepaeme re poli wa. Ana e ga e kienan lemamiena, naga pio inu vena neve kienan, a e kienan sitomena wo, <sup>16</sup> naga kila narina mälivin inu vena nevisu kilale naga, vena nevano nelologon Yesu nene van la naña pe ape Yu re poli. E pogos nene, ana pe nepa re nepisu yaru taþena la þas poli vena nela nakiliaena laþas tan la e lepas na lologena wo nene, <sup>17</sup> a pe nepa re mëna ma Yerusalem poli vena nevisu nalogena la naña la ape nalogena sumon inu vena neviun tan la nevisave “?Pisi na nelologon ya ne, pona nevisawal visena ve

sanape?” Peraga, pe nepa nepiun re sanene poli, komin naña Kristo naga kila make sur la nene merarava pan inu pisi rui. E pogos nene in na nemligan la vilaga, nepa perina papisi e purvanua naña Arebia, a siraunia nepasupe ke sina ga nepimi, nepa yalensilau ga nepa garu e pulkumali naña Tamaskas. <sup>18</sup> Siraun naña kas telu þarovia, ana e pogos ga nene narui in na nepa si ma Yerusalem. Nepa ma Yerusalem nepa nakaten Pita, ana pe nesu re nemio naga piavi poli, ana nesumña nemio tol ga legiena lualima taaga pa lima. <sup>19</sup> A e pogos nene, in na pe nepisu re mëna nalologena taþena laþas poli, ana nepisu ga kiela nasumonena naga taaga, naña Semes naña naga wenla kieta Suþe. <sup>20</sup> Naga nene narui, ya naña nepisa ke pan amiu, naga lelaga pe nepisokan re nene poli, Suþe kilia mëga.

<sup>21</sup> Sanene narui, inu nesike ma Yerusalem pe piavi re nena poli, a siraun nene, inu nepa nemial vivia lepas lua nene naña Seria amio Silisia, <sup>22</sup> kila sanene narui e pogos nene, naleлагаena lala nae ma e lepas taþena naña Yutea, amio kana pulkumali keviu nena naña Yerusalem, la nene pe akilia ruru inu re poli wa. <sup>23</sup> La amloge ga ya naña yaru la asumña apisa ke, naña apisape, “Yaru nene nanua sumo naga mëne kare ita papisi, naga sumña kilali naña kila kare kieta naleлагаena, ana nanagane naga sumña mlologon ke märera e kieta naleлагаena nene papisi.” <sup>24</sup> A komin suri ne nanene, la asumña amieluár Ntewa

keviu naña naga pilon kiau malena sanene. Ana la asumña apisirilua kia kienā ne Suñe vanon inu.

## 2

### *Nalologena tañena lala apiran ruru amio Pol*

<sup>1-2</sup> Siraun kas lualima taaga pa vari ñaròvia, ana Ntewa pisa pan inu sape monar neva si ma Yerusalem. Nemloge Suñe pis sanene narui, ana imimi lua Panañas, imimi lua mepavini, a nepure mñena Taetas pimi taveve imimi lua. Metol ma Yerusalem, ana metotano e viorena tai, memio nasumonena lala na sumare naña la ga apimi loyumña ea. E viorena nene, nepisawal visena lala naña inu nemlologon ke pan yaru la naña pe ape le Yu re la poli. Inu nepisayu ruru sur punu ga naña nekila pan la, komin naña pe sineun re nesape yoko la asitom avisave in na pe nemiyumña mesmes re poli, ana pe pon re avisa kare kiau yumñaena imi tol pogos nini poli, ana kila sane kiau yumñaen nanene imi ve sur korena ke sina ga. <sup>3</sup> Sumo in na nomape pona ñisi na la amäreran van inu, vena nevisa nevisave yar la naña pe ape le Yu re poli la mñena ga monar ave ñaviu. ?Ana viorena nene pisa sur ya? E lepas na kiau erau nene Taetas, naga pe nae re Yu poli, naga yaru nae Kris tai, naña naga pe pe ñaviu re poli, ana la pe apirurua re naga asape naga monar ve ñaviu poli. <sup>4</sup> Ana e viorena, yaru lañas naña sinelan asape Taetas naga monar ve ñaviu, ana nepisu yaru la nene sa naña la apisa apisape ape kieta wolai lala, ana la apisokan ga. La nene la apimi vinau ga loyumña e viorena vanon la

sinelan ga visu imimienā, nāpā imimi mepian ke mesape imimi mepimi mepe taaga memio Yesu Kristo rui, ana pēlaga marua la nene pe piar imimi re si poli ana imimi mōpisin rui. Ana la nene pe akekarān re nena kiamimi visena nene po, la sinelan asape akila navisaluaena la nene na lotuena kienā ne le Yu lala monar aviar punu ita māga. <sup>5</sup> Ana imimi pe metamān re nāpā la ato metavan imimi poli, vanon nāpā imimi mesitom pāpisi nāpā mouarar ruru visena na lelagaena na lologena wo nene, vena pīsi na amiu atol ruruia.

<sup>6</sup> Ana e viorena la pāsia nāpā yeririna la apisape ape kiela nasumonena la asumā, ana inu pe nesitom re nesape la ape yerkawa pona la pe ape yerkawa re poli, nanene na pe pe sur re tai nene poli, vanon Ntewa naga sitom korena ga kia la ne sanene. Ana nasumonena ne la nanene, pe la apian inu re e sur viu tai poli vena nelogonia. <sup>7-8</sup> Peraga, pe sa re nene poli. La apisu kilale ga asape Ntewa, naga e kienā puriukawa, naga mligan inu nepe yaru nalologena tai, vena inu nevisawal lologena wo van la nāpā la pe ape le Yu re poli, sa nāpā e kienā puriukawa mēna ga, naga mliganar Pita pīsi rui, vena naga ve nalologena tai vena naga mēna ga visawal nalologena wo va le Yu lala. <sup>9</sup> Ana Semes amio Pita a Yoane, nāpā yeririna lala la apisa apisape la telu nene la ape kiela nasumonena, la telu nene la apisu kilale nāpā Ntewa naga mligan yumāena wo nene e lumāu e kienā lemamienā. Ana la telu nene la apim atalopan imimi lua Pānāpās, sa nāpā imimi

mepe ūegas taaga memio la, ana imimi punu ga metamānia vena imimi mevion yumāena lala, sa naña sane imimi lua meva melologon e yo kienā ne yar la naña la pe ape Yu re poli, a lala na yoko la alologon e yo kienā ne le Yu lala.<sup>10</sup> A la nene amla ga visena taaga ga pan imimi, asape imimi lua monar mesitomāl kiela yar la naña pe kiela sur re poli, vena meiila la, ana nanene, naga sur tai naña e pogos nene in na nekekaran ūisi rui vena neyumāen ve sanene.

*Pol pis mārera pa Pita vena visaluñpar naga*

<sup>11</sup> Siraun na nene, inu nepito ke sina ga nesike garo e pulkumali nene Antiok, ana pogos naña Pita mālivin imimi e yo nene, nesumālu e marana ne naleлагаena lala, nepisaluñparia, vanon naña merarava ruru nena po naña ya ne naga kila, ana pe mesmesu re poli.<sup>12</sup> Nanua sumo, Pita kila mesmes ga naña naga sumo kinana ke ga amio kieta wolai lala naña la pe ape le Yu re poli, ana siraunia, Semes mligan kienā yeririna la ūasia apim gar Yerusalem, ana la apis pa Pita, apisa apisape “La naña pe ape le Yu re poli, la mēna ga monar ave ūaviu, ana visae peraga, Ntewa naga tañatete tamalia la.” Visena nene naga pe taveve re nena ya naña viorena keviu naga pisa ūesan poli, ana kila kare sitomena kienā ne Pita kila naga marau, ana naga pe kekaran re si su lele taaga amio naleлагаena la nene naña la pe ape ūaviu re poli.<sup>13</sup> A pe Pita re ga naga taaga poli, ana kieta wolai mēna la nae e yo nene, naña la ape le Yu, pimi tol mēna ga Panapās, la nene ataveve mēna Pita e

sitomena na marauena nene. <sup>14</sup> Ana pogos naña nepisu la nene asumña amial ke e mrapa tai naña pe mesmesu re amio ya naña lologena wo pisa poli, inu nepis märerera pa Pita e marala, ne pisa sanini nepisape “Pita, lelaga kemua naña ko ope le Yu tai, ana po pañisi ana ko osumña naña nanua sumo rui, naña okekaran mëna ga ñelaga kiena ne yar tañena la rui, naña ko okinana ga lele taaga amio la ñisi rui. ?Ana sanapen nanagane narui, naña ko osape omäreran ke sina ga la nene naña la pe ape le Yu re poli opisape la monar ataveve kieto ñelaga ita le Yu lala, naña opisape la mëna ga la monar ave ñaviu ve sa ke ga ita?”

### *Yaru ai naña piawa e Yesu, Ntewa tamalia naga*

<sup>15</sup> A e pogos nene, in na nepisa ruru pan la sanene nepisape, “Ita punu ga na, ita tepe lus kemua kiena ne le Yu lala. Ita na pe tepe yaru tañena re la poli, sane la naña le Yu la moki asitom asape ape kororaki ga.” <sup>16</sup> Peraga, ita tepe le Yu kemua lelaga, ana nanagane, ita tekilia rui, sa naña yaru tañatete mesmesu amio Ntewa, vanon naña naga sumña taveve ruru ke ga navisaluaena kiena ne Mosis. Yaru ga naña naga mlelaga e Yesu Kristo, naga ga kilia mesmesu amio Ntewa. Sitomena nena nene narui kila ita le Yu lala ita mëna ga monar telelaga ga e Yesu vena ita mëna ga temesmesu temio Ntewa. Ana amiu monar akilia ruru visena nene naña Visena Wa kiena ne Ntewa pisa, naña pisa pisape

pe yaru re tai naña naga kilia mesmesu amio Ntewa poli vanon naña naga sumña taveve ruru ke navisaluaena nene.

<sup>17</sup> Ana ita le Yu lala, ita tesitom ke tesape temesmesu temio Ntewa narui, ana pe sa re nene poli. Ana visave lelaga kemua naña ita tepe le Yu mëna ga, ita monar telelaga ga e Yesu Kristo vena ita temesmesu temio Ntewa, in na nesitom nesape pona yaru laپasia amloge piowagan visena nene, pona la apisali naña apisape visena nene kila sane ita le Yu lala ita tepimi tepe yaru lala na mlamulena viowa maran taaga ga temio la naña pe ape le Yu re poli. Ana pona akilali mëna ga naña apisape ve sanene, nanene naga kana kinasia sane Kristo ke nene narui naga kila ita le Yu lala ita tepimi tepe yaru na mlamulena viowa ga. Ana peraga, pe sa re nena nene poli.

<sup>18</sup> Nanene vanon nanua sumo, in na nesumña nekilaroro ke ñelaga marua lala navisaluaena nene rui, ana visae nagane nevisirlua ke sina ga ñelaga na taveveen navisaluaena nene, naña nesape ita monar teve ñaviu a ita monar tekila ve sanene vena ita temesmesu temio Ntewa, naga nene kila sane nanua sumo in mëna ga nepe yar na kilaroen navisaluaena narui. <sup>19</sup> Lelaga, Navisaluaena nene naga sinenan pisape kila inu nemare, vanon naña nekilaroro ke navisaluaena lala. Ana nanagane Navisaluaena nene naga sa ga sur mare ga tai e inu, inu neñisin naga rui. Nemligan Navisaluaena nene rui, vena kiau malena su ga e Ntewa narui. Sa naña asuar inu e laki torovia nemio Yesu, nemare nemio naga, <sup>20</sup> a nanagane sa ga naña pe in re si naña nemal

ke ne poli, ana Kristo na mal ke e inu. A kiau malena nanagane, naga komin naña nepiawa ke e Narina Ntewa, naña naga sitom inu papisi, naga tamän kienamalena, naga mare wo inu. <sup>21</sup> E þelaga nene, tepisu naña lemamiena kienamne Ntewa keviu papisi, ana in na taþatete naña nekila kienamiena imi ve sur korena tai, komin naña visae yar tai kilia mesmesu kemua amio Ntewa vanon taveve navisaluaena, nanene sane Kristo mare kemua na pe suri korena ga.

## 3

### *Le Kalesia lala akilalu mrapa*

<sup>1</sup> In na nepisu amiu le Kalesia lala sa ga naña þarimi pe wowe pa rui. ?Pona yaru laþasia akila male e amiu yo, ana nane amiu apa akila pal mrapa sanene? Inu nepisawal ruru merarava e maramiu þisi rui, sanape naña Yesu Kristo mare e laki torovia, a nanagane narui amiu apano ape taþena narui. <sup>2</sup> In na sineun nesape neviun naviunena tai van amiu sumo wa. Naviunena ne sanini, sape “?Amiu nene, naña amla Ninuna Wa nanua sumo rui, Ntewa mla pan amiu vanon ya? ?Amiu amlavia komin naña amiu amlogear navisaluaena la nene kienané Mosis?” Peraga, amiu amlavia komin naña amloge nalologena wo, ana asumña amlelaga ea. <sup>3</sup> Sumo, amiu asiar malena viu amio Kristo e namñareraena na Ninuna ne Ntewa, a nanagane asitom asape apisin ga e kiamiu namñareraena ga? !Taþatete ve sanene, peraga! !Amiu asumña apa ape wowe la narui! <sup>4-5</sup> E kiamiu namalena

viu nene, suri wo la moki naña pimi măliv i e amiu rui, sa naña Ntewa naga mla ke kien a ninuna pan amiu, a naga sumă kila ke kile lala e maramiu, ana sanape, pona amiu na pe apisu kilale re poli yo wa sa naña sur la nene apimi e amiu komin ya. Amiu monar akilia ruru sa naña Ntewa naga kila ke sanene, pe komin re naña amiu amlogear ke navisaluaena nene poli, ana komin naña amiu amloge ga lologena wo, ana amiu amlelaga ea.

*?Ya ne po? Navisaluaena, pona naviawaena e Kristo?*

<sup>6</sup> Amiu asitom li yermarua Epraam, naña Visena Wa kien a ne Ntewa pisayu naga, pisape “Vanon naga piawa e Ntewa, ana kila naga mesmesu amio Ntewa.” *Nas 15:6*

<sup>7</sup> Ana yaru taþena la naña apimi sirau naña la aþasine Ntewa sanene, la ape lus kien a ne yermarua Epraam kemua la lelaga.

<sup>8</sup> Ita tekilia tevisu e Visena Wa naña lologena wo nene naña ita tesumă temlelaga ke e nanagane, Ntewa naga pisawal nanua sumo sumo la rui, pogos naña pisa pa Epraam pisa pisape “E ko þisi na Suþe kilia visa ruru lus kien a ne yeririna lala na yomarava nini.”

Taveve visena nene, Visena Wa kien a ne Ntewa pisaar mëna ga rui pisape þisi na Ntewa kilia kila yaru lala naña pe ape le Yu re poli a mesmesu amio naga, visave apiawa e naga. <sup>9</sup> Ana la naña la apiawa ke e naga sanene, ana kana kinasa sa naña Ntewa naga pisa ruru la ke nanagane, sa

naña naga pisa ruru Epraam sumo, komin naña naga piawa e Ntewa.

**10** Ana la naña asitom ke asape yoko akilia atol malena komin naña la asumña akilali ke naña alogear navisaluaena lala, la nene la asike vatanon naliñereen tai rui, komin naña pe yaru re tai naña mlogear make navisaluaena la nene poli, a Visena Wa kienan ne Ntewa pisa pisape,

*“Yaru la naña la pe amlogear re sur la punu ga naña asike e tusi navisaluaena poli, la monar atol nakoaena.”*

**11** Sanene narui ana merarava ruru pan ita naña yaru tañatete imi mesmesu amio Ntewa komin naña naga logear ga navisaluaena nene ana sa naña Visena Wa kienan ne Ntewa naga pisa naña pisa pisape

*“Yaru naña naga mesmesu amio Ntewa komin naña naga piawa e Ntewa, naga ga kilia mali.”*

**12** Visena ne na nene naga pisayu ñelaga naviawaena, a ita tekilia tevisu naña ñelaga kienan ne naviawaena nene amio ñelaga na nalogearena e navisaluaena, lalua pe maran taaga re nenaga. Nanene komin naña ñelaga na logearena Navisaluaena, naga sumalu se lepas na suri la punu ga naña yaru ga kilia kila sa naña visena wa pisa, naña pisape yaru ga naña kila punu sur la naña navisaluaena pisa, naga kilia tol malena ea.

**13** Ana komin naña ita na pe yaru re tai naña naga kila punu sur la naña navisaluaena nene pisa poli, ana Navisaluaena nene naga pisaar nakoaena amio marena pan ita punu ga. Ana Kristo naga pitomi narui, ñpurelua ita

e nalīpereena nene, tamān naga kus leleta, ana naga pa sike vatanon nalīpereena nene, naga nene na sa nāpa Visena Wa pisa, nāpa pisape

*“Yaru nāpa apiar naga atelania mon metava e purlaki, vena mare komin nāpa naga sike vatanon e nalīpereena kiena ne Ntewa.”*

<sup>14</sup> Kristo tamān naga sanene, vena la nāpa pe ape le Yu re poli, la m̄ena ga akilia atol navisa ruruena la nene nāpa Ntewa naga pisaar pan Epraam, ana suri nena nene kila sane nanagane ita nāpa tepiawa m̄arera e Kristo, ita tekilia tela Ninuna Wa nene nāpa Ntewa pisaaria pisape la van yeririna lala.

### *Navisaarena pimi sumo, Navisaluaena naga pimi sirau*

<sup>15</sup> Wolai lala a vineu lala. Yoko nevisa sunienai tai e ga e kieta malena nāpa kana kinasa pa lavisin ga navisaarena nene kiena ne Ntewa nāpa pa Epraam. Visae yaru tai visawal maron kiena visena, visave pogos nāpa nemare, yoko kiau sur lala naga monar ve sa nene ve sa nene, ana naga siriar kiena navisaarena nene sike e m̄aki tai, ana pogos nāpa visave naga kovio, la tāpatete avilopu kiena navisaarena nene. <sup>16</sup> Pogaga, ana sanene, Ntewa kila kiena navisaarena pa Epraam, a e kiena lusia. Ana e visen nene pe pisa re pisape Ntewa naga kila kiena visaarena e “Lus kiena ne Epraam la poli,” nāpa kana kinasa sane yeririna moki, naga pisa sanini, pisape “E kiena lus tai,” nāpa naga pisa sane yaru taaga ga, a yaru nane, naga Kristo.

<sup>17</sup> Kiau visena e lepas nene kana kinas sanini nanua sumo Ntewa naga pranaria amio Epraam, a Ntewa pisaar pisape uuarar kiena naviranarena lalua nene m̄arera. Ana siraunia kas ponotia vari lualima yam telu p̄arovia p̄isi rui, ana navisaluaena kiena ne Mosis pimi m̄alivi ana navisaluaena nene naga tāpatete kilaro naviranarena nene nāpa sike pa rui, tāpatete si kilia yumulua naviranarena kiena ne Ntewa. <sup>18</sup> Ana visae ita tekilia tetol navisa ruruena lala kiena ne Ntewa komin nāpa ita tesum̄a tetaveve ke ga Navisaluaena nene, nāpa naga pe sur tai nāpa pimi ga sirau, nanene naga kana kinasa sa nāpa navisaarena kiena ne Ntewa nene nāpa su la nanua sumo rui, naga pimi korena ga. Ana ita tepisu nāpa Epraam naga tol navisa ruruena lala kiena ne Ntewa nene, komin ga nāpa naga p̄uarar ruru navisaarena kiena ne Ntewa, pe komin re Navisaluaena poli, komin e kiena pogosia, Navisaluaena pe pimi m̄alivi re poli wa.

### *Navisaluaena naga kiena yumaena sum̄a ga*

<sup>19</sup> Poga, ana pona kana naviunena tom̄a ga, nāpa pisa pisape "?Ve sanene, Ntewa mligan Navisaluaena kiena ne Mosis nene pe na ya pona komin ya?" Pogaga, nevisa van amiu narui, sanini, Sup̄e naga mligan ke sina ga Navisaluaena nene to metavan kiena naviranarena, vena iila ita yeririna lala tekilia tevisu kilale kieta mlamulena viowa lala. Ntewa mligan navisaluaena nene vena sum̄alu su m̄aga, vano

vano tol pogos naña yar nene naña pe lus kien  
ne Epraam, naña Ntewa pisaar pan imimi pimi  
māliven ita.

Ana ita tepisu naña Navisaluaena naga kien  
yumaena wo tanea tomña ga. Ana ita monar  
tesitorñalia sane Navisaluaena nene, pogos naña  
pimi mālivi, kom pēsan puna ne navisi kien  
ne Ntewa lala, siraunia amla pan yaru tai, naña  
Mosis, ana naga mla pimi mla pan yeririna lala.  
Ana pogos naña Ntewa naga kila naviranarena  
nene amio Epraam, nanene na pe sa re nene  
poli. <sup>20</sup> Ana pogos naña lalua nene apiran ruru  
ke kiela visena lele taaga, ana pe navisi re poli  
pona yaru tañena naña sumña likan lalua vena la  
visena, ana Ntewa naga ga taaga naga pisawal  
kien navisaarena nene mesmesu e marana ne  
Epraam.

<sup>21</sup> A nanene naga pe sa re naña asape Navisalu-  
aena nene kilali naña kalwo navisaarena kien  
ne Supe poli, peraga. Komin naña visae Supe  
naga kilia la si navisaluaena tañena naña visae  
ita telogear make ga ana kilia kila ita temali,  
pona naga mligan navisaluaena nene pimi yo rui  
vena ita tekilia temesmesu temio naga. <sup>22</sup> Ana pe  
sur tai sa re sanene poli, komin naña Visena Wa  
pisa pīsi rui pisape ita punu ga tesike vatanon  
namāreraena na mlamulena viowa, ita tesumña  
tekilaro ke ga navisaluaena lala. Ana navisa  
ruruena naña Ntewa pisaar pisape yoko ligan  
imi, la akilia aimi la amālivi e ita komin ga naña  
ita tepiawa ke e Yesu Kristo.

*Pogos na wasineen Kristo pimi mālivi rui*

<sup>23</sup> Sumo rui, pimi tol nanagane tekilia tepiawa e Kristo, navisaluaena kienan ne Mosis nene piar ita mārera pa ūisi, sa ga naña tesike e yumña na koaena rui. <sup>24</sup> Navisaluaena nene, naga sane pisuar ita, sa ga kieta navianena tai, pimi tol pogos naña Kristo pimi, vena e pogos nene, ita tekilia teviawa e naga narui ana tekilia temesmesu temio Ntewa. <sup>25</sup> Ana nanagane, Navisaluaena nene taþatete si kilia visuar ita, komin naña pogos na viawaena e Kristo naga pimi mālivi ūisi rui.

### *Amiu punu ga ave taaga e Kristo narui*

<sup>26</sup> Ana komin naña amiu apiawa e Kristo Yesu, ana amiu punu ga amio Kristo ape narina ne Ntewa. <sup>27</sup> Akee amiu ūisi rui, ana amiu apimi ape taaga amio naga, sa naña amiu akus ūelaga wo kienan ne Kristo lala e amiu, sa naña amiu amien kulsota lala e yepemiu. <sup>28</sup> Nanagane amiu punu ga apimi ape taaga ga e Kristo Yesu, suri ne na nene narui, amiu punu ga atorok ga. Popon ita monar ve teliþere re si yaru lala, tevisave nanene pe Yu, a nanene pe yaru nae ga lele taþena, pona tevisave nanene pe yerkawa, a nene naga pe yar nayumñaena ga, pona sane nanene pe yermene, ana nanene naga pe sira ga. Ana ūelaga nene monar ve to re si e amiu. <sup>29</sup> A komin naña amiu ape kienan ne Kristo sanene, amiu ke la nanene narui amiu ape lus kienan ne Epraam kemua lelaga, a ve sanene, navisa ruruena lala naña Ntewa naga pisaaria pa lus lala kienan ne Epraam, ūisi na amiu ke narui amiu akusia.

4

## *Ita tepe narina ne Ntewa*

<sup>1</sup> Ana ūsi na nevisa re laa e kieta ūlaga nene  
sane vena nevisa ruru laa merarava sane e lepas  
nen Navisaluaena nene. Visae yaru tai, ana naga  
mare, ūsi na narina naga kus kienā suri lala.  
Ana visave nisisi nene vitokaki ke ga wa, ūsi na  
naga taþatete kilia visuar sur la nene. Naga sa  
ga yaru na yurñena kienā ne ariman ga, <sup>2</sup> naþa  
ūsi na naga monar sumña ga vatano e liman  
yaru taþena ga lala, sane arimana taþena la  
nene, vano vano tol mesmesun nena pogos naþa  
arimana naga pisawal sumo rui, pisape naga  
kilia uuarar sur la nene e pog nene. <sup>3</sup> E mēna ga  
e ita sanene, naþa sumo, ita na sa ga nisisi, naþa  
ita kieta sitomena lala sike ga vatano e yermare  
lala na sumo na yomarava nini. <sup>4</sup> Ana pimi  
tol ruru kana pogos nena, Ntewa naga mligan  
narina pimi, naþa sira tai naga þaria, paeme  
e yomarava nini, naþa naga paeme vatano e  
Navisaluaena kienā ne le Yu lala. <sup>5</sup> Naga paeme  
vatanon Navisaluaena nene, kapur ea, vena naga  
kilia wereplan imimi la naþa la asike vatano e  
Navisaluaena nene rui, vena Ntewa kuslua ita,  
teimi teve narina lala.

<sup>6</sup> Ana nanagane, sa naña ita tepim tepe narina lala, naga mligan Ninuna kienā ne narina pimi e losineta lala, naña kila ita tekilia tevio Ntewa, tevisave “Ata Ata.” <sup>7</sup> Komin sur ne nanene, amiuna pe sa re si yar na yumñaena ga la poli, ana amiuna ape narin Ntewa kemua lelaga, naña pisi

na naga la suri wo van amiu sa naña naga pisaar pa narina lala pisape ūsi na la akusia.

*Pol sinena mie le Kalesia lala*

<sup>8</sup> Nanua sumo, pogos naña amiu pe akilia re Ntewa poli wa, amiu asike ga vatanon namāreraena kiena ne yermare la nene naña pe ape Ntewa re nenaga, <sup>9</sup> ana nanagane, amiu akilia Ntewa ūsi rui, pona popon nevisa nevisave nanagane, Ntewa kilia amiu rui. Ana inu sineun nesape neviun tan amiu, nesape komin ya ne amiu sinemiu awasuþe sina ga ava puna ne yermare la nene nanua sumo, naña la pe amārera re poli, a naña la taþatete akilia akila wo van amiu pogos tai? ?Vanon ya ne amiu sinemiu asape asu ke sina ga vatanon kiela namāreraena? <sup>10</sup> ?Sanape na amiu asumña asitomñal ke legiena wa lala kiena ne la nene, a kiela kupario wa lala, a kiela pogos wa lala, a kiela kas wa sanene? Asitom asape ūsi na Suþe kekaran amiu vanonia? <sup>11</sup> !Aulai, akila inu nemaraun amiu papisi! !Pona nemiyumñae mārera pan amiu papisi ana nepisu sane pe sur korena ga!

<sup>12-13</sup> Wolai lala a vineu lala, nanua sumo kam na pe asu re vatanon navisaluaena poli, ana pogos naña nepim nesike nemio amiu, in na nekila inu mēna ga nesa ga amiu. Ana nanagane, nemloge asape amiu sinemiu asape awasuþe si ava e þelaga na navisaluaena nene, a vanon sur ne nanene nepiun māreran tan amiu vena amiu na aimi ve sa ga in narui, naña in na pe nesu re si vatanon Navisaluaena nene poli. Amiu

asitom̄ali pogos naña in na nemlologo pan amiu sumo, naña kiau maiena ga kila narui nom̄al pulmas naña nesike nemio amiu, ana pe sur korena ga naña nemai e pogos nene, ana amiu na pe akila re nemloge piowa poli. <sup>14</sup> Peraga, ana kiau maiena nene kila kare amiu keviu wa, ana amiu pe amloge re piowa e inu poli, a pe asitom re m̄ena piowa e inu poli, peraga. Amiu aþure inu nepa e m̄amiu yum̄a lala, sa naña visave in na neve navisi kienā ne Suþe tai, pona sa ga in na Yesu Kristo lelaga. <sup>15</sup> Sumo, amiu akekaran inu paþisi, naña nepisu sa naña visave amiu akilia akila, pona amiu akekaran naña aurelua kilamaramiu vena aligan te kilamaraū, vena ilia inu. ?Ana sanape nanagane narui? <sup>16</sup> Pona nenagane, kiau visena lelaga la nene, akila inu nepimi sane kiamiu erau viowa sina. ?Ana ya ne sanene?

<sup>17</sup> Yaru taþena la nene naña nemloge apisape la asike amio amiu nanagane, ana la nene asum̄a apilonvilon ke lologena wo kienā ne Kristo, la apimi asum̄a veraga amio amiu vena ave erau wo amio amiu, vena akila amiu asu vatanon la, ana nanene la akila kotalia amiu ga ne. Komin naña la sinelan asape aure lua amiu ga vetan inu. <sup>18</sup> Ana pe nepisa re nesape vena in ga taaga ga nekilia nesum̄a nemio amiu poli, vena in ga taaga teve erau wo, komin naña þelaga nene naña na erau wo amio yaru taþena, naga wo silaga, ana popon sane nakilaen ga yum̄aena wo lala.

<sup>19</sup> Naruu lala, inu na sane sira tai naña m̄epena mlaea vena war sisi, sa naña nesum̄a nemloge

piowa pap̄isi vanon amiu, nesum̄a nemiyum̄ae m̄arera pan amiu pap̄isi vena amiu ala Kristo amio kiena ūelaga wo lala e kiamiu malena. **20** Aulai, visae nesum̄a nemio amiu nanagane, nanene na kila inu neloge wo pap̄isi. Visae ve sanene, p̄isi na nekilia nevilon li laa kiau visena vito tano sane, ana nanagane naþa nesike perinan amiu sanene, inu pe nekilia re si po la rui sane am̄a sanapen amiu narui.

### *Sunienā kiena Eka amio Serai*

**21** Amiu laþas naþa sinelan asape ita na monar telogear kiesta Navisaluaena vena ita ve sa ke Ntewa, inu sineun nesape la avisatam̄e kiau naviuñena tai, sape “?Navisaluaena naþa apisayuia, la asum̄a amloge kilale ke ya naþa Navisaluaena nene pisa pona pe apisu kilale re poli?” **22** Visena wa nene pisayu ke yermarua Epraam nene, naþa naga narina na yermene lua, naþa tai, sira naþa miyum̄ae kiena ne wona naþa Eka naga þaria, a narin tap̄ena tai naga wona ruru napo naþa Sera naga þar maronia. **23** Naga naþa paeme sirau, kiena kia Aisak, naga paeme komin naþa Ntewa pisaaria, a naþa naga paeme sumo, kiena kia Ismael, naþa sira na yum̄aena nene naga þaria, naga paeme ga sa ga nene. **24-25** Ana ita tekilia tela sunienā nene sa naþa þakaiwa tai, naþa sira la lua nene, lalua na sa naþa naviranarena lua naþa Ntewa naga kila. Sira naþa Eka naga sa ga naviranarena naþa Ntewa kila e tavie kevieu nae Sinae, nanene na e purvanua naþa Areپia, yo ne nanene naþa Ntewa mla Navisaluaena nene pa Mosis ea. Eka nene, naga pe sira na

yum̄aena ga tai, a narina m̄ena ga lala la ape yaru na yum̄aena ke m̄ena ga lala. Sanene, Eka m̄ena ga naga na sa m̄ena ga pulkumali keviu naña Yerusalem, naña kana yaru ne lala apuarar Navisaluaena lala m̄arera, ana la sa naña ape yaru na yum̄aena ke m̄ena ga, komin naña la asike v̄atallon navisaluaena nene narui. <sup>26</sup> Ana sira taþena nene, naña Sera, pe yaru re tai naña þuarar e yum̄aena poli, naga ga, a naga nene naga sane Yerusalem taþena nene, naña pe Yerusalem nae ma e peni. A narina ne Sera lala, la m̄ena ga la pe yaru re tai naña þuarar la vena ayum̄ae poli ana la m̄ena ga asum̄a ga sanene, kila sane Sera nene sane aneta naña ita tepiawa e Kristo. <sup>27</sup> Visena Wa pisayu li m̄a sur la nene naña pisa pisape,

*“Sira nene, ko naña sumo na ko ope lum̄alum̄a ga,  
naña mopom̄a pe mlaeli re pogos tai poli vena  
waren sisi,  
nanagane ko omloge po, ko okekara ko omiau,  
komin naña wom̄a na yerm̄ene mligan ko rui ana  
nanagane narum̄a lala apimi ape moki la  
narui, ataulu la naña sira naña wona sum̄a  
amio naga silaga naga þar la.” Ais 54:1*

<sup>28</sup> Visena nene naga sa naña Ntewa naga pisaaria pisape yoko narina la ve moki, na ve moki a amiu kiau wolai lala a vineu lala, ita ke ga na ita tepe narina ne navisaarena kienan ne Ntewa nene narui, sa ke ga naña kienan navisaarena nanua sumo naña kila Sera þar narina naña Aisak. <sup>29</sup> Ana pogos naña Aisak paeme sumo, sisi taþena nene naña Ism̄ael naga paeme sa ga nene, naga sum̄a m̄ene nisisi nene naña

Aisak naña naga paeme e yumñaena na Ninuna Wa kienā ne Ntewa. Ana pimi tol nanagane, tepisu ūelaga sa ke ga nene na wa. <sup>30</sup> ?Ana Visena Wa pisa sanape? Naga pisape Ntewa pisi pa Epraam, pisa pisape “Ko monar okuwanlúa sira naña naga pe sira na yumñaena ga nene amio narina, komin naña narina nene, naga pe torokin re si naña la sur tai e kiomña sur la poli. Sur la punu ga monar va ga e limana narina naña sira naña naga ga naña womña naapo.”

<sup>31</sup> Poga, erau lala, Ntewa pisa sanini, a inu nevisa van amiu nagane nesape ita nini, ita pe tesa re narina ne sira naña na yumñaena poli, naña ita tesike vatano e Navisaluaena kienā ne Mosis, ana peraga, ita na sane tepe narina ne sira naña naga sumña ga sanene, sa naña sane ita na temlelaga ga e Yesu. A sur la naña Ntewa naga pisaar pa narina na lelaga lala, pisi na ita ke ga na yokorena tokus narui.

## 5

### *Yesu pure plan pa nalelagaena la rui*

<sup>1</sup> Pogos naña Kristo ūrelua ita, naga kila sanene vena tomolue, naña ita tomolue lue, ana vena ita ve towasuþe ita re si teva tesumña vatanon Navisaluaena kienā ne Mosis nene poli. Ve sanene, monar aviawa mñarera, vena ve amäreran amiu re si sa naña amiu na sa ga yaru na yumñaen lala, naña Navisaluaena nene piar manene ruru amiu ke sina ga.

<sup>2</sup> Amiu na ayagogo ruru e visena nene naña inu Pol nesumña nepisa ke pan amiu. Visae amiu

atamān la amāreran amiu avisave amiu ave  
 ūpaviu, ūpsi na yūmaena nene nāpā Kristo naga  
 kila ūpsi rui taþatete iila amiu. <sup>3</sup> Ee, nepisa ke  
 sina ga visena mārera nene pan amiu, nepisape  
 visae yaru nāpā tamān naga ve ūpaviu, naga  
 ga sumā mligan ke sina ga naga sike vatano e  
 Navisaluaena nene. A yaru nāpā sike vatanon  
 Navisaluaena sanene, naga monar visuar ruru  
 naga nāpā naga logear sur punu ga nāpā Navi-  
 saluaena nene naga pisa, visae peraga, yoko  
 naga tol nakoaena. <sup>4</sup> Amiu la ūpasia nene nāpā  
 asumā akilali nāpā alogear Navisaluaena nene  
 rui, vena amesmesu amio Ntewa vanonia, amiu  
 la nene asumā ate plan amiu ke e Yesu rui, amiu  
 apilon māsimiu rui e lemamien a kien a ne Ntewa.  
<sup>5</sup> Ana ita na, ita tesumā sinetan manene tesape  
 ūpsi na Suþe kila ita temesmesu ruru temio naga,  
 komin ga nāpā ita tepiawa ga e naga, a pogos  
 nāpā ita tesumāte ke ga wa, Ninuna Wa naga  
 sumā miila ita temlelaga mārera, tesape ūpsi na  
 Suþe naga monar kila sanene van ita. <sup>6</sup> Pogos  
 nāpā ita tepimi tepe taaga temio Kristo Yesu  
 sanene pe sur korena ga nāpā yaru naga pe ūpaviu  
 pona pe pe ūpaviu re poli, ana sur keviu na e  
 lepas nene nane kieta naviawaena e Kristo nāpā  
 naviawaena nene naga kila ita tesitom Suþe, a  
 ita tesitom mēna ga yeririna taþena lala.

<sup>7-8</sup> Sumo na nepisu amiu akiriri na po papisi  
 wa, ana nanagane, pe sa re si nene poli. Suþe  
 naga pio amiu sumo ūpsi rui, ana sineun neviun  
 nevisave yeririna ai nene nāpā naga suwo amiu  
 sina ga, naga kila amiu pe amlelaga re si e  
 visena lelaga poli? !Pe Ntewa re nena poli!

<sup>9</sup> Navianena viowa nene naña kila kare kiamiu sitomena naga sa naña visena pisa pisape “Narin korme ga, ana naga kilia kila kare kilam̄iu la melkalka vañisi.” <sup>10</sup> Ana sa naña amiu amio inu, ita tepimi tepe taaga e Ntewa, nesum̄a nemlelaga m̄arera ke e amiu na wa sa naña ñisi na ita kieta sitomena ve taaga, sa naña ita ve tom̄areran re si li na lelagaena lala naña la pe ape Yu re poli tevisave la monar ave ñaviu. A nemlelaga m̄ena ga m̄arera ke ga wa nesape yeririna nene naña sum̄a kila kare amiu ke sanene pe sur korena ga naña naga pe yeririna ya, ñisi na Suñe naga la nakoaena vania.

<sup>11</sup> Puruvi lala a vineu lala. Visena lañasia pisa ke pisape inu m̄ena ga nesum̄a nemlologon ke ga wa nesape li nalelagena m̄ena ga lala monar ave ñaviu vena Ntewa kilia tamalia la, ana visena nene pe pe lelaga re poli. Visae nelologon ve sanene ñisi na yeririna la nene naña asike amio amiu akekaran in ga. Ana amiu apisu ke ne, la asum̄a sinela karin ke na wa, komin naña kiau navisawalena e laki torovia naga sum̄a yumulua kiela sitomena lala. <sup>12</sup> Inu na nesitom ke nesape yar la nene naña la asum̄a apilovilopu amiu ke sanene, akila ke sinemiu kurkur naña la sinelan manene asape monar ave ñaviu, popon ala playu ana asila ke sina ga, akila kare rurula ke sina ga.

<sup>13</sup> Ana amiu naña kiau erau lala, lelaga pap̄isi naña Suñe pure lua amiu rui, amiu pe asu re si vatano e Navisaluaena kieno ne Mosis la nene poli. Ana maram̄e amiu, avisuar ruru amiu, ve asitom re avisave, “Pogaga nene narui, in na

nomolue e navisaluaena nene rui, inu ga taaga narui. Pisi na nekilia nekila sur punu ga naña kiau sitomena sinenan narui.” Amiu ve avisa re sanene, ana pisi na kiamiu sitomen wo naga monar kila amiu akekaran naña aiila yeririna tañena. <sup>14</sup> Pelaga na sanene naga taveve ruru visena tai naña Navisaluaena naga pisa, naña naga kalo ruru visena tañena lala e Navisaluaena nene, naña pisa pisape, “Ko ositom nalavis pumña lala, akila wo van la, ve sa ke naña ko ositom ko mñaga.” <sup>15</sup> Ana visae amiu ave sa suri mali tetan lala, naña amiu ga agorua amiu, ana amiu ga asumña akarkare amiu sanene, ana monar avisuar ruru amiu, pisi na ñelaga nene naga kila kare punu amiu ke sina ga.

### *Pelaga kienan ne Ninuna Wa amio ñelaga kienan ne yeririna*

<sup>16</sup> Inu sineun nesape nevisa visena nene van amiu. Amiu nene na Ninuna Wa naga monar sumon amiu, amiu na ve ataveve re si kiamiu ñelaga marua naña apaeme amio. <sup>17</sup> Vanon ñelaga nene naña ita tepaeme temio, naga pe sinenan re ñelaga kienan ne Ninuna Wa poli, a ñelaga kienan ne Ninuna Wa naga pe kekaran re ñelaga nene naña ita tepaeme temio poli. Suri nene naga sa naña ñelaga la lua nene sane la lua ape nasinekar la ga, ana sur ne na nene narui, visae Ninuna Wa sumña sumon amiu, tañatete si amiu akilia akila ga ya naña kiamiu sitomena sinenan. <sup>18</sup> Ana amiu monar ve sinemiu ñesan re mñena ga naña visae Ninuna Wa naga sumña

sumon amiu, ana amiu ve asu re si vatano e Navisaluaena nene narui.

<sup>19</sup> Yumñaena la na ūelaga nene naña yeririna lala la apaeme amio naga merarava ruru ga. Yumñaena la nene la ne nanene narui sa naña natañaen lau, a sur la naña namawaena, a ūelaga namname ga lala, <sup>20</sup> amio nalotunen nono lala, amio nawarena kimi. Amio mëna ga, nagorualaena lala, namaraena lala, navielueena lala, nasinekarena lala, napuluvisen a lala, naliliipereena lala, nakaween yaru lala, <sup>21</sup> a nasinesunien a lala, amio namunen wii keviu, a namñaagena viowa lala, amio mëna sur taþena la sanene. Ana nevisawal sina ga van amiu, sa naña nepisawal pan amiu sumo rui, nesape amiu avisuar a vanon yaru naña sumña kila ke ūelaga la sa nene, ūisi na naga taþatete su e nasuþenena kien Suþe pogos tai.

<sup>22</sup> Ana mras naña Ninuna Wa kila pitovi e malena kien a ne yeririna naga sane: nasitomien a, nakekarena, a nasumñaareena, a namalumena, a nasinewoena, a nawoena, a nayepemñaena, <sup>23</sup> a navatanoena, a nawanaren sine. Ūelaga la nene na po paþisi, a pe visena navisaluaena re tai naña pisa luþpar amiu pisape amiu ve akila re si suri la nene. <sup>24</sup> Ana ūelaga naña ita tepaeme temio, amio kien a nasinenen a viowa la nene, ita tesuaria e laki torovia ūisi rui. Nanene, ita naña tepe kien a Kristo Yesu, ita temligan sur la nene ūisi rui.

<sup>25</sup> Ana komin naña ita temali e Ninuna Wa, popon ita teyali mëna ga e kien a ūelaga wo lala. <sup>26</sup> Pe pon re towarwar ita poli, pona ita ga

tekilawele ke sina ga naña sineta mimi, pona ita ga tesumña tepieluen ita ke sina ga.

## 6

### *Amiu punu ga monar aiila amiu*

<sup>1</sup> Kiau wolai lala a vineu lala, visae amiu yar tai naga loru e mlamulena viowa, popon amiu naña Ninuna ne Ntewa teke e amiu, amiu monar aiila naga vena akila ruru ke sina ga naga. Ana amiu monar avis malumu ga vania, sa naña amiu sinemiu miye naga, a amiu monar avisuar ruru amiu mëna ga, vena sur naña amiu akila ruru yaru taþena nene vanonia ve imi kila li amiu re mëna ga. <sup>2</sup> Amiu na monar aiila amiu ve sa nene narui vena akuspae ga naurmiena kieno ne amiu taþena lala. Ve sanene sane amiu asumña amlogear ke ya naña navisaluena kieno Kristo naga pisa ke narui. <sup>3</sup> Ana taþatete si avilave van amiu, sa naña yaru tai sumña sitom ke naga pisape “In na yar tai nini.” Visae ve sanene yaru nene naga sumña pisa kotalia ke sina ga naga ne, komin naña naga pe pisu kilia re sape naga pe pe yaru re tai nene poli. <sup>4-5</sup> Ana amiu punu ga monar amiu veve taaga avisu veve ruruli kiamiu yumñaena lala naña akila. Visae sanene, yaru tai taþatete kilali visu veveli sa naña kieno yumñaena po taulu yar taþena lala, ana naga monar visu veve kieno yumñaena naga taaga. A visae kieno yumñaena nene po, naga kilia kekara narui, komin kieno yumñaena wo nene. Komin naña yaru punu ga pe maran taaga re poli, la

kiela naurmieno tañena lala peve taaga naña la akus ke e kiela malena lala.

<sup>6</sup> Amiu naña asumña apian amiu ke e visena naleлагаena, pogos naña visae amiu alual narin sur tai popon amiu avion van amiu amio kiamiu navianena lala.

<sup>7</sup> Amiu avisuaria, ve avisa kotalia amiu re sina ga. Ko tañatete ototoroun Ntewa. Kurus nen ya naña omapila e kiomña lokove, naga kana mras ke naña ñisi na ko ga okan narui. <sup>8</sup> Yar naña mapila ñelaga naña naga paeme amio, yoko naga sane kurus nen sur tai e kiena malena, ñisi na naga war mras viowa lala e ñelaga nene, naña marena napiowa ga, ana visae naga mapila ñelaga kiena Ninuna Wa e kiena malena, ñisi na Ninuna Wa naga la kinanena marua lala naña po vania, naña naga pe malena naña ve uro re. <sup>9</sup> Ana ñisi na ita tekilia towar kinanena wo lala e ruru e kana pogos naña marua, visave ita ve teligan re yumñaena. Ve sanene, ita na monar ve sineta maren re naña tekila ñelaga wo lala, <sup>10</sup> ana ita na monar sineta wo va yaru lala silaga, a monar sineta wo va laa sane va la naña ita tepe mratava taaga temio la e Kristo.

### *Visena maro kiena ne Pol*

<sup>11</sup> Poga, ñisi na inu nesiri maron kiau visena la nene e ga e lumña, nane amiu akilia avisu kana mras nen visena lala kerkeviu sanene. <sup>12</sup> Inu sineun nesape nevisa sanini, la naña sinelan asape amäreran amiu ave ñaviu, nanene naga sa naña la sinelan ga vilaveena komin sur la naña na kulus nen yaru ga. Ana la sinelan asape akila sanene komin sur taaga ga, naña la sinela asape

la akilia aligan nalologonena na laki torovia kiena ne Kristo naña kilia tamalia ita. Visena nene la yepel mavinia komin naña la amaraun asape sapisi la asumña alologon lologena wo na marena kiena ne Yesu naga mesmesu ve sa nene, pisi na yar tañena lañasia amñe la. <sup>13</sup> A la nene naña la sinelan asape amiu monar ave ñaviu, la sinelan mëna ga ve sanene vena pisi na la akilia awarwar lan avisave la ataulu amiu pisi rui, naña la amligan amiu apito si vatano e Navisaluaena kiena ne le Yu lala. Ana amiu na avisu ruruia, komin naña la mëna nene la pe asumña amlogear re si sur la punu naña Navisaluaena nene pisa poli.

<sup>14</sup> Ana e inu, pe sur re tai naña sineun nesape nowarwar inu e poli, ana e ga e laki torovia kiena ne kieta Supe Yesu Kristo, in na neñparwar inu ea, komin kiena marena nene kila ñelaga lala na yomarava nini la apimi sane sur mare ga e inu, a kila inu mëna ga nepimi sa ga yar mare ga tai e ñelaga lala natañaliena na yomarava nini.

<sup>15</sup> Naña yar tai imi mesmesu amio Ntewa, ana pe sur korena ga naña yar nene naga pe ñaviu pona pe pe ñaviu re poli, ana visae Ntewa naga sii ke sina ga yar nene imi ve yar viu sumo wa, ana pisi na yar nene kilia imi mesmesu amio naga. <sup>16</sup> A naga narui in na nelen wo la naña pisi na alogear visena la nene, naña pisi na aimi ave le Israel kemua lelaga lala kiena ne Ntewa, nesape sumñarena kiena ne Ntewa a kiena nasineyeena sike amio la.

<sup>17</sup> Kiao visena naga loka ga nene. Ana in na pe sineun re si naña pisi na yar tai kila ke sina

viowa van inu sanene poli, komin naña nesumña  
nopar ke piakapila kiena ne Kristo e tasneu rui,  
sa naña la akove inu a la ame inu.

<sup>18</sup> Wolai lala a vineu lala, nemlen nesape pisi  
na nasineyeena kiena ne kieta Supe Yesu Kristo  
naga sike amio ninumi la punu ga,  
Sanene.

**Lologena Wo Kienane Yesu Kristo Kome  
Kewo**

**The New Testament in the Lewo Language of Epi  
Island, Vanuatu**

**Le Nouveau Testament en Lewo langue de l'île d'Épi  
au Vanuatu — Niutestamen long Lewo lanwis, blong  
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 11 Nov 2022 from source files dated 22 Nov 2019  
ee028e1c-7e53-571d-8041-681daaf580e8